



بيتنا القديم

١٢٧



ساعه عدت
وقبلها كثير ساعات
ساعه مفضلش منها
غير ذكرى من عمر فات
ساعه في كل مره دقت
في نبضه في القلب قلت
مبتظهرش في الرسومات
قديم البيت
وصور متعلقه ع الحيط.
وشوشها بتفرح كل ما جيت..
فجأة و انا بدور في دولابي
صدفة لقيت
حب شلته فيه ونسيت



كاتب اسمها في جوابي

وقلب وشوية

شخايبط

الراديو

آخر حاجه فضلت من

بيتنا القديم

وحيد

طفل بره مدرسته

يوم حفله الأباء

عشان يتيم

متقولش كنت وكنت

كنت أيام

ناس عزاز لما هانو

هونت



ذكري اتمسحت باستيكة
كانو عايشين
في سفينه و كنت شرع
دلوقت دورك مهوش مذياع
دورك بس أنتيكا...
بنقول كنا عشان
محدث يشمت فينا
بس احنا من جوانا
عارفين والحزن ملينا
انا وانت زي اللي باع ايامه
والتمن أجل
زيي انا يوم عيد الحب
الوحده بتعصرني
واكتب يحيا السناجل
ذكرياتي



وجمل ما شفت في حياتي
بيجيني في أحلامي يوماتي
انا لسه بتتنفس هواه
مهما عقارب الساعة تدور
مش ممكن ابدأ انساه
اكتشفت ان جدي بناه
في اللاشعور

